

讀史方輿紀要

崑山顧祖禹景范楫著  
南昌彭元瑞芸楣校定

讀史方輿紀要

敷文閣藏板

御製題武英殿聚珍版十韻 有序

校輯永樂大典內之散簡零編竝蒐訪天下遺籍不下萬  
餘種彙爲四庫全書擇人所罕覩有裨世道人心及足資  
攷鏡者剞劂流傳嘉惠來舉第種類多則付雕非易董武  
英殿事金簡以活字法爲請旣不濫費棗梨又不久淹歲  
月用力省而程功速至簡且捷攷昔沈括筆談記宋慶歷  
中有畢昇爲活版以膠泥燒成而陸琛金臺紀聞則云昆  
陵人初用鉛字視版印尤巧便斯皆活版之權輿顧埏泥  
體粗□鉛質軟俱不及鋟木之工緻茲刻單字計二十五  
萬餘雖數百十種之書悉可取給而校讎之精今更有勝  
於古所云者第活字版之名不雅馴因以聚珍名之而系



以詩

稽古搜四庫於今突五車開鐫思壽世積版或允閭張帖唐  
院集周文梁代餘同爲製活字用以印全書精越□冠體□  
江南所進之書有□冠子卽活字版第字體不工且多訛謬耳富過鄴架儲機圓省雕氏功  
倍謝鈔胥聯腋事堪例埏泥法似疎毀銅昔悔彼康熙年間編纂古今圖書集成刻銅字爲活版排印藏共貯之武英殿歷年既久銅字或被竊缺少司事者懼干咎適值乾隆初年京師錢貴  
且遂請毀銅字尚存則今之印書不更事半功倍乎深為惜之計且  
木此慚予旣復羨梨棗還教慎魯魚成編示來學嘉惠志符

初

乾隆甲午仲夏

讀史方輿紀要總敘一

昔在神禹克平洪水之灾作爲禹貢孔子刪書列於□  
經其竝傳者又有山海經其詞迂誕太史公曰言山□  
者斷自禹貢允矣自禹以神聖平成天下傳之子孫其  
支庶列爲侯伯其在商頌曰韋顧旣伐說詩者曰顧□  
桀黨也嗚呼桀之暴虐天下皆知棄之顧爲同姓國□  
藹相庇宗社無隕義也湯欲傾夏則不得不先翦顧□  
亡而夏隨之矣然則顧非黨於桀也後有棄其宗祀□  
符瑞於仇讐之庭者是則顧之罪人也己自湯伐顧□  
顧遂微於商周之世及漢興始得姓於江淮之南蓋□

讀史方輿  
紀要

總敘一

一 敷文閣

康封少子於會稽以奉禹祀至春秋時越子允常而□  
大其子勾踐遂以其國霸滅吳而有其地通盟於上□  
又數傳爲楚所滅子孫竄處於江南各保城邑自爲□  
長而海陽侯以滅秦誅項功分符漢室五傳侯絕侯之子□  
皆以顧爲姓保氏族於江南及吳丞相雍以功名顯□  
傳以降皆有功德文章載在史冊至黃門侍郎野王則  
以著述顯於梁陳之際所著書數百卷而輿地志尤□  
重於世至今學者猶宗師而俎豆之由隋唐以迄兩宋  
子孫代有名人而徵君原九於宋端平元年由臨安避□  
梁谿耕讀於宛谿之上子孫奉遺命歷元世皆隱□□

仕明成化中徵侍郎允敬始官於朝曾孫光□□大□  
當嘉靖間好談邊徼利病躍馬遊塞上與大司馬靈寶  
許公論善撰次九邊圖說梓行於世子奉訓大夫文耀  
萬歷中以光祿大官正奉使九邊還對條奏甚悉天子  
稱善文耀生郡諸生龍章早卒龍章生柔謙九歲而孤  
好讀書補邑弟子員深慨科舉之學不足裨益當世慨  
然欲舉一朝之典故討論成書年及強仕而遭流寇之  
變遂遯入山焚筆瘞硯率子祖禹躬耕於虞山之野久  
之益窮困憤懣無聊得奇疾將卒呼小子命之曰吾家  
自兩漢以來稱爲吳中文獻先代所著述小子可考而

知也士君子遭時不幸無可表見於世亦惟有掇拾遺  
言網羅舊典發舒志意昭示來茲耳嘗怪我明一統志  
先達推爲善本然於古今戰守攻取之要類皆不詳於  
山川條列又復割裂失倫源流不備夫以一代之全力  
聚諸名臣爲之討論而所存僅僅若此何怪今之學者  
語以封疆形勢惘惘莫知一旦出而從政舉關河天險  
委而去之曾不若藩籬之限門庭之阻哉先光祿在世  
廟時傍徨京邑岌岌乎有肩背之慮圖論九邊以風示  
謀國者先奉訓當神廟中四方無虞以邊備漸弛□□  
可慮先事而憂卒中忌諱仕不獲振先文學□□□□

攬轡無年及余之身而四海陸沈九州騰沸僅獲保首  
領具衣冠以從祖父於地下耳嗟乎園陵宮闕城郭山  
河儼然在望而十五國之幅員三百年之圖籍泯焉淪  
沒文獻莫徵能無悼歎乎余死汝其志之矣小子匍伏  
嗚咽而對曰小子雖不敏敢放棄今日之所聞卒一年  
而祖禹以疾廢又三年疾愈不揣愚陋思欲遠追禹貢  
職方之紀近考春秋歷代之文旁及裨官野乘之說參  
訂百家之志續成昭代之書垂之後世俾覽者有所攷  
鏡而貧賤憂戚雜亂其中上之不能涉江逾河登五岳  
浮沅湘探禹穴窮天下之形勢次之不能訪求故老參  
稽博識因以盡知天下險易扼塞之處下之不能備圖  
志列史乘不出戶而周知山川城郭里道之詳惟是守  
殘抱缺寤歎窮廬吮筆含毫消磨歲月庶幾無負先人  
提命之意若以語於著作之林余小子夫何敢

此係原板並無錯訛  
板存四川省城學院  
街李氏富學堂書坊  
發兌不悞識者鑒之

總敘二

客謂顧子曰子所著方輿紀要一書集百代之成言考諸家之緒論窮年累月矻矻不休至於舟車所經亦必覽城郭按山川稽里道問關津以及商旅之子征戍之夫或與從容談論考核異同子于是書可謂好之勤思之篤矣後有起者考求險要辯別攻守遠而周知天下之故近而都邑之間非子之書何所適從焉余曰否否不然古人有言尺有所短寸有所長明於匠石之任者或昧於雕鏤之細予也未嘗泝江河登恒岱南窮嶺海北上燕冀間有涉歷或拘於往返之程或因於羈旅之

次不獲放曠優游博觀廣詢問嘗按之圖畫索之典籍亦舉一而廢百耳又或了了於胸中而身至其地反若瞶瞶焉所謂所見異辭所聞異辭所傳聞又異辭者不可勝數也予之書其足據乎且孫子有言不知山林險阻沮澤之形者不能行軍不用鄉導者不能得地利夫論兵之妙莫如孫子而論地利之妙亦莫如孫子使信余之書而不取信於鄉導譬之掩耳而求聞閉目而求見所悞必多矣且夫地利亦何常之有哉函關劍閣天下之險也秦人用函關却六國而有餘迨其末也拒羣盜而不足諸葛武侯出劍閣震秦隴規三輔劉禪有劍閣

而成都不能保也故金城湯池不得其人以守之曾不及培塿之邱汎濫之水得其人卽枯木朽株皆可以爲敵難是故九折之阪羊腸之徑不在邛崃之道太行之山無景之谿千尋之壑不在岷江之峽洞庭之津及肩之墻有時百仞之城不能過也漸車之澮有時天塹之險不能及也知求地利於崇山深谷名城大都而不知地利卽在指掌之際烏足與言地利哉善乎孫子之言曰我不欲戰雖畫地而守之敵不能與我戰我欲戰敵雖高壘深溝不得不與我戰然則變化無窮者地利也地利之微圖不能載論不能詳而變化於神明不測之

心所謂可以意會不可以言傳者乎故曰方圓奇偶千秋不易也伏羲以之畫八卦大禹以之演九疇伍兩卒旅千秋不易也武侯以之列入陣李靖以之變六花城郭山川千秋不易也起於西北者可以并東南而起於東南者又未嘗不可以并西北故曰不變之體而爲至變之用一定之形而爲無定之準陰陽無常位寒暑無常時險易無常處知此義者而後可與論方輿使銖銖而度之寸寸而比之所失必多矣吾嘗考蒙古之用兵奇變恍惚其所出之道皆師心獨往所向無前故其武畧比往古爲最高彼豈嘗求之於山海之圖里道之志

哉然則求地利於吾書無乃猶是刻舟之見乎吾慮舉  
足動步或將有礙焉者也客其益廣所聞無過恃吾之  
書也已

紀讀史方輿

總敘二

三 敷文閣

總敘三

或曰審如子言則鄉導之于地利重矣然則子之書其可廢乎曰何可廢也孫子言不用鄉導者不能得地利然不得吾書亦不可以用鄉導夫南行之不可以北轅也東泛之不可以西楫也此易知也西北多山而未嘗無沮洳之地東南多水而未嘗無險仄之鄉此易知而不易知者也且夫一指蔽前則泰山不見十步易轍則日景不分使其惘惘焉左陷大澤而不知前入深谷而不悟乃欲執途之人而求其爲鄉導鄉導其可恃乎哉何也鄉導用之于臨時者也地利知之于平日者也平日未嘗于九州之形勝四方之險易一一辨其大綱識其條貫而欲取信于臨時之鄉導安在不爲敵所愚也是故先知馬陵之險而後可以定入魏之謀先知井陘之陘而後可以決勝趙之計不然曹瞞之智猶惕息子陽平武侯之明尙遲回于子午乃謂求地利于臨時而不求地利于平日豈通論哉是故途有所必由城有所必攻此知之于平日者也欲出此途而不徑出此途者乃善于出此途者也欲攻此城而不卽攻此城者乃善于攻此城者也此知之于平日而不得不資于臨時者也攻則攻敵之所不能守守則守敵之所不能攻辨要

害之處審緩急之機奇正斷于胸中死生變于掌上因地利之所在而爲權衡焉此固大將之任而非可問之于鄉導者也凡吾所以用多用少用分用合用實用虛之處旣已灼然知之而後博求之于鄉導從其可信缺其可疑以善吾地利之用豈徒寄耳目于僕夫云爾哉此吾書所以必不可廢也且不獨行軍之一端也天子內撫萬國外蒞四夷枝幹強弱之分邊腹重輕之勢不可以不知也宰相佐天子以經邦凡邊方利病之處兵戎措置之宜皆不可以不知也百司庶府爲天子綜理民物則財賦之所出軍國之所資皆不可以不知也監

司守令受天子民社之寄則疆域之盤錯山澤之藪慝與夫畊桑水泉之利民情風俗之理皆不可以不知也四民行役往來凡水陸之所經險夷趨避之實皆不可以不知也世亂則由此而佐折衝鋤強暴時平則以此而經邦國理人民皆將於吾書有取焉耳然則孫子之說固未當乎曰非也孫子之言固以地利者行軍之本而鄉導者地利之助也先知地利而後可以行軍以地利行軍而復取資於鄉導夫然後可以動無不勝凡吾所以爲此書者亦重望夫世之先知之也不先知之而以惘然無所適從者任天下之事舉宗廟社稷之重一

且束手而畀之他人此先君子所爲憤痛呼號扼腕以至於死也予小子旣已奉遺命採舊聞旁搜記載規之正史稍成一家之言合爲一十八部分爲百三十卷藏之家塾以俟來者

紀讀史方輿

總敘三

三 敷文閣

原序一

嘉魚熊開元

昔司馬子長好遊足徧天下宗少文少遊不出戶庭俱善遊者也宛溪景范氏負奇才具大畧劉覽古今積其年力成方輿一書取材富考覈精不出戶庭周知天下視少文壁上一邱一壑相去何啻倍蓰其筆勢縱橫又如子長文得所歷探益遨翔容與奔放靡極宛溪洵善遊哉余楚人習聞三楚之要莫如荆襄又熟履其地考往事得失嘗欲借籌三楚及令崇邑知海外一區爲三吳保障再令松陵知江南水利在導三江而東江已非

讀史方輿  
紀要

熊序

一  
敷文閣

其故罔非身履而知今宛溪坐籌一室出入二十一史縱橫千八百國凡形勢之險阨道里之近遙山水之源委稱名之舛錯正其訛核其實芟其蔓振其綱宛溪未嘗足徧天下乃淹博若此哉古來博物推張華多聞推宏景乃宏景考沙苑不詳張華談鴻溝不備他若山海水經之書郭璞道元之注杜佑目爲詭誕爲迂繆蓋文采有餘而摭實不足也宛溪不徵奇不探異綱羅放失於古今成敗利鈍之際三致意焉使其展籌運策伏波聚米宏策畫圖抑何多讓乃落落寡諧人難衣食日擁是書快遊一過雖千乘之尊猗頓之富不易此或者謂

地非身履不足取信如孟德攻張魯聽降人言以陽平  
城下南北遙遠不可守及至其地不如所聞意阻欲還  
此其驗然而地非身履可以遙斷如宋劉敞使遼遼人  
導之自古北至柳河迴環殆千里敞曰自松亭趣柳河  
徑且易不數日可抵中京遼人駭愧由此言之何用身  
履哉必俟身履而知卽如劉輿密視水陸形默記之亦  
一隅智耳使讀宛溪書不煩舟車不曠日月鍵戶而窺  
可以得天下之全形亦可以知一方之險易彼宗少文  
區區壁上觀何足數卽子長東登泰山南探禹穴徒重  
繭其足安得謂善遊哉若宛溪者洵善遊者也

原序二

延陵吳興祚

凡有志於用世者河渠邊防食貨兵制皆其所有事也然而莫重於輿圖何也輿圖者史學之源也粵自黃帝畫野分州得百里之國萬區遂均土設井立步定畝經之以君臣緯之以制度而紀綱名法賦稅文章之跡始有所麗堯爲九州舜分十二夏商以還天下之勢幾幾月異而歲不同矣然封建井田卒弗改匠人之舊則其時之山川道里猶有所沿而易識也秦人棄古變常郡縣阡陌盪柱下之書以爲煙塵卽無論循蜚攝提之紀

讀史方輿  
紀要

吳序

一  
敷文閣

也雖春秋列國無全文焉學者固不得不荒忽置之漢唐以降宋元以前載冊頗繁似有可考然二千餘年之間統有正閏地有分合祚有短長制有沿革於是中原片壤不待陵谷遷變而山川不可復識矣士人閉戶讀史記憶其文謂之淹洽常試叩之以九州之內所謂道里阨塞者幾何戶口殷耗幾何謠俗嗜慾之甚者幾何與夫上之人體國經野設險制防者何在緯繡變化以導民善俗者何途之從也則有口而瘖不能指數其崖略況於取二十一代之編錄而說之乎此無他由學者以史爲史而不能按之於輿圖以輿圖爲輿圖而不能

稽之於史是以紀事雖多猶拾瀋也車轍雖廣猶望洋也因是以著之辨論數因革之宜較得失之勢猶捫槃也而於經濟之學奚補焉宛溪顧子博洽人也歎史學之藜蕪閔經生之固陋於是方輿紀要作焉昭時代則稽歷史之言備文學則集百家之說詳建設則誌邑里之新舊辨星土則列山川之源流至於明形勢以示控制之機宜紀盛衰以表政事之得失其詞簡其事覈其文著其旨長藏之約而用之博覽遠洞微憂深慮廣誠古今之龜鑑治平之藥石也有志於用世者皆不可以無此篇余因華子商原始觀其書爰序之以明其非篆刻之詞無益而灾木者比也

讀史方輿紀要敘

南昌彭士望

讀古今上下數千百年之書以自成一書兼括數千百年之上使數千百年下之人不能不讀此其志豈文人經生之所能及者哉而成是書者則有數難識難朗而精資難敏而決斷制嚴而難確心胸濶而難細此難之在己者也其待資於外者博攷難於書明辯難於友取給繁費難於財遊涉方域難於徧爲尤難焉夫使其書爲懸解冥悟綜核事理殫一夫之精力雖極窮困無聊時猶或可以坐致古之人有能之者矣惟撰述方輿之

讀史方輿  
紀要

彭敘

一 敷文閣

書則高山大川之寥濶瀆壑邱陵之瑣細古今名號之建置不一崩築疏鑿之因創損益各異或僑設而名存或陵谷變遷而實沒舟車之所不通人力之所罕至容竝有之而是人則踽踽窮餓妻子之不惜獨身閉一室之中心周行大地九萬里之內外別白真僞如視掌中手書口宣立爲判決召東西南北海之人質之而無疑聚魁奇雄傑閎深敏異之士辯之而不窮據之而有用此其人之資賦蓋喬嶽翕河之所降生使之續禹書之遺以詔告於天下萬世爲開闢之所僅見望行年七十得此一士則常熟顧祖禹之爲方輿紀要是矣祖禹之

創是書也年二十九秉厥考之遺言及先祖所爲之地志九邊之圖說僻處宛溪不交州府間藉資於館穀遊歷所至惟有借書隨卽鈔纂覩記所及更獲新勝卽改竄增益之雖十易草所不憚經二十年始成是書自爲歷代州域形勢通論至一大文分野共百三十卷可六千頁祖禹嘗語望曰歷代之書世遠言湮難窮其蘊惟覽者能自得其指歸禹之爲是書也以史爲主以志証之形勢爲主以理通之河渠溝洫足備式遏關隘尤重則增八之朝貢四夷諸蠻嚴別內外風土嗜好則詳載之山川設險所以守國遊觀詩賦何與人事則汰去之此

書之立體者也其采用之書自二十一史地志而下凡百十種具見於發凡是其志之超邁用力之專勤而成書之浩博亦旣無復加矣乃其意中絕不自矜喜若身未嘗與其事望故尤篤服祖禹之人其膽似韓稚圭而先幾旁矚不敢置勝負于度外智似李長源而願學鄒魯不好神仙德量似婁師德含弘光大唾面自乾而人卒不能唾其面清操似盧懷慎吐納萬有而不爲無口匏寬靜似謝安石絕意聲色不事矯情奇才博學似王景畧雖去桓温必不爲苻堅所用祖禹之人如是望蓋觀摩朝夕陰察其人而得之惟有其人而後可用其書

有其書而益知其人之用大寧都魏禧已備言其書之  
用望第述其書與人之本末如是天下後世當共見之  
矣

紀讀史方輿

彭敘

三 敷文閣

讀史方輿紀要敘

寧都魏 禧

讀史方輿紀要一百三十卷常熟顧祖禹所撰述也其書言山川險易古今用兵戰守攻取之宜興亡成敗得失之迹所可見而景物遊覽之勝不錄焉歷代州域形勢凡九卷南北直隸十三省凡一百十四卷山川源委凡六卷天文分野一卷職方廣輿諸書襲譌踵謬名實乖錯悉據正史考訂折衷之祖禹沈敏有大畧爲人奇貧而廉介寬厚樸摯不求名于時與寧都魏禧爲兄弟交禧旣篤服其書祖禹因請爲之敘禧愀然而歎曰有

讀史方輿  
紀要

魏 敘

一 敷文閣

是哉此數千百年所絕無而僅有之書也惟禧學不足貫穿諸史足跡不及天下五分之一顧何足推明祖禹意然竊嘗得舉其論之最偉且篤者以示子弟蓋其大者有二一以爲天下之形勢視乎建都故邊與腹無定所有在此爲要害而彼爲散地此爲散地彼爲要害者一以爲有根本之地有起事之地立本者必審天下之勢而起事者不擇地嗚呼古今豪傑暴起草昧往往迫而應天人之會初未嘗遷地而謀形勝也用其地之人因其地之勢以驅策天下而天下無以難之蓋其故可思矣失其術則據十二百二之雄而可以亡得其術則

雖迫狹瘠弱而無不可批卻導窾以中天下之要祖禹貫穿諸史出以己所獨見其深思遠識有在於言語文字之外非方輿可得紀者嗚呼非其人誰與知之此則禧所欲爲祖禹敍而不復辭讓者也北平韓子孺時從余案上見此書瞪目視余曰何哉吾不敢他論吾僑家雲南出入黔蜀間者二十餘年頗能知其山川道里顧先生閉戶宛溪足不出吳會而所論攻守奇正荒僻幽仄之地一一如日見而足履之者豈不異哉禧于是并識之

凡例 二十六則

天下之形勢視乎山川山川之絕絡關乎都邑然不考古今無以見因革之變不綜源委無以識形勢之全是書首以列代州域形勢先考鏡也次之以北直尊王畿也次以山東山西爲京室之夾輔也次以河南陝西重形勝也次之以四川湖廣急上游也次以江西浙江東南財賦所聚也次以福建廣東廣西雲南貴州自北而南聲教所爲遠暨也又次以川瀆異同昭九州之脈絡也終之以分野庶幾俯察仰觀之義與

地道靜而有恒故曰方博而職載故曰輿然其高下險

紀讀史方輿

凡例

一 敷文閣

夷剛柔燥濕之繁變不勝書也人事之廢興損益圯築穿塞之不齊不勝書也名號屢更新舊錯出事會滋多昨無今有故詳不勝詳者莫過於方輿是書以古今之方輿衷之於史卽以古今之史質之於方輿史其方輿之鄉導乎方輿其史之圖籍乎苟無當於史史之所載不盡合於方輿者不敢濫登也故曰讀史方輿紀要天地位而山川奠山川奠而州域分形勢出於其間矣是書以一代之方輿發四千餘年之形勢治亂興亡於此判焉其間大經大猷創守之規再造之績孰合孰分誰強誰弱帝王卿相之謨謀奸雄權術之擬議以迄師

儒韋布之所論列無不備載或決於幾先或斷於當局或戒於事後皆可以拓心胸益神智書曰與治同道罔不興與亂同事罔不亡俯仰古今亦可以深長思矣禹平水土主名山川職方辨州惟表山藪川浸司馬遷作史記昔人謂其能言山川條列得禹貢之意班范諸家所不逮唐太宗因山川形便分天下爲十道六典所載犁然可觀是書亦師其意兩京十三司之首皆列疆域名山大川重險俾一方之形勢燦列在前而後分端別緒各歸條理亦以詳前人之所略也

王者體國經野于是乎有城邑城邑定而方位列焉緩

紀讀史方輿

凡例

二

敷文閣

急分焉于是乎有山藪川浸山川布而相其陰陽察其險易于是有關梁阻阨爲城邑之衛自古及今經理方輿者不能異也是書于兩京十三司各郡邑中皆以此爲次第從同者則以例附焉所以便于考索也

城邑山川關隘之屬有特見者如專言某城某山是也有附見者如言某山而附以某山言某川而復及某水是也有互見者如言某山而旁及于某川某關言某關而旁及于某城某山是也

地理志始于班固最爲雅馴劉昭補後漢郡國參入古今地名爲功不少所惜微有繆誤耳晉志僅存郭郭齊

志略標形似沈約州郡詳而未精魏收墜形穢而不備  
隋志兼及梁陳齊周裨益頗多而經緯未盡劉昫唐志  
略于天寶以後歐陽氏略于天寶以前功過不相掩也  
五代史薛志曾見數條較歐志頗勝歐志無乃過略與  
宋志詳略失倫遼金二志金志差勝國初元志缺漏又  
在宋志之下也是書參考沿革大約本之正史而他書  
所見亦節取焉雖然秦漢城邑其不可見于今者蓋什  
之二三六朝以降廢置紛更其不可見于今者乃什之  
四五也隋唐以來邊荒蠻落時有興革其不可考者亦  
什之一二矣

從來沿革有竟不入是書者王莽篡漢盡易天下郡縣  
名號侯景陷臺城契丹入汴皆妄有改易之類是也若  
夫晉棄中原南北淆亂州郡縣邑紛紜僑置河南有廣  
陵丹陽之名江渚有晉陽太原之號又疆場戰爭得失  
屢變荒左依附有無頓岐循名責實大都湮廢余力爲  
考訂其引據不誣義類可據者悉爲採入至傳聞互異  
史氏浮靡史臣撰述往往地屬前朝而諱淵爲泉之類如或  
地名相同而方域絕異地名本異而里道正同千里毫  
釐未嘗敢忽也

古人著述類皆慎重左氏傳析實白羽夷實城父慎之

也杜氏釋傳或但曰魯地齊地或竟曰地關不敢強爲之辭也蓋寡陋之過小繆戾之罪大近世言方輿者依據失倫是非莫主或一事而彼此相懸一說而前後互異稱名偶同漫爲附會傳習不察竟昧繇來欲矜博洽之名轉滋繆戾之罪余不敢妄爲附和也

方輿之書自經史而外彬彬成家者魏晉以降代有其

人余輯方輿書目凡二卷約千有餘家然自唐以前傳者絕少由唐以迄

宋元可見者亦不過數家耳括地志序于唐太宗稱其

度越前載然在宋時已不可多得宋崇文目云坤元錄一本即括地志按杜

氏通典坤元與簡地志並列則非一書也括唐大歷中諱曰簡其聞于世者有江融鄭

紀讀史方輿凡例 四 敷文閣

虔及賈耽之書亦不可復見也余嘗讀元和志善其敷

陳時事條列兵戎然考古無乃太疎寰宇記自謂遠軼

賈李之上賈耽李吉甫而引據不經指陳多悞紀勝山川稍

備求其攻守利害則已迂廣記考核有餘而於形勢險

夷則未盡晰也勝覽以下皆偏于詞章之學於民物遠

猶無當焉國家著作之材雖接踵而出大都取裁于樂

史祝穆之間求其越而上之者蓋鮮也

近代一統寰宇名勝諸志及十三司通志余皆得見之

其天下郡縣志得見者十未六七也跼蹐田野無從搜

集間有已得其書而時會粗牾未及採錄旋復失之者

故雖耳目流傳之書而闕略正不能免雖然形勢詳而名勝略如錄山而不載七十二峯之號志太中國詳而四裔略亦有邊陲詳而中土反略者覽者當得其大意毋遽以聞見淺陋斥之則幾矣

地利有錯見於他條而不載於郡邑之下者有兩說互異而並存之者疑以從疑也

宋葛文康公日記問之博當如陶隱居恥一事不知記問之審又當如謝安不悞一事世皆稱胡氏注通鑑見聞博而取舍精然除口見於水經注而悞引蘧除水萬歲縣見於晉志而悞改爲延壽他如永世未辨其在溧

紀讀史方輿

凡例

五

敷文閣

陽定陵不知其近洛水甚哉著作之難也要亦耳目偶遺無關大故余生而椎魯困窮失學讀書無多自省多悞偶有所見悞則正之甚者削之不敢妄爲爭辨求勝於古人也

高都丹城一城也而誤以爲二昭信濟陰睢陵一城也而誤以爲三雲中雲州勝州東勝夏州靈夏皆兩地也而誤以爲一至於宛唐死虎慮虎驢夷字之譌也居庸翳螭土軍吐京聲之變也舉一例餘類難悉數每見近代諸志一水一山方位偶移輒列爲敷處千里百里聲稱相似則牽爲一端見聞日荒義理日繆安能與古人

相上下乎

六經而外左國史漢皆有詮釋古人散逸之書見於古人援引者爲多是書悉爲搜討至杜鄭馬三家之書其言方輿皆資採取而杜氏尤長王厚齋玉海一書中所稱引類多精確而通釋一種爲功於通鑑甚巨胡身之從而益暢其說搜剔幾無餘蘊余尤所服膺故採輯尤備

水道遷流最難辨晰河渠溝洫班馬僅紀大端而餘史或缺焉其詳爲之辭者惟酈氏水經注而杜佑甚病其荒繆蓋河源紆遠尚依史漢舊文而江漢以南又皆意

讀史方輿  
紀要

凡例

六

敷文閣

爲揣測宜其未盡審也若其掇拾遺聞參稽往蹟良爲考古之助余嘗謂酈氏之病在立意脩辭因端起類牽連附合百曲千回文采有餘本旨轉晦使其據事直書從原竟委恐未可多求也後世河防水利之書作者相繼至於晚近記載尤多浮雜相仍鮮裨實用余所見江河防水利泉河籌海諸書不下十餘種惟潘氏河防張氏三吳水利兩書差有可採川瀆一書畧倣水經之文仰追禹貢之義務期明確無取辭費

名山支山之大端也其間有特峙者焉有並峙者焉

連峙疊峙者焉

山主分而脈本同其間或起或伏有突然獨起者有判然並峙者有連接千百

里雖異名而實起一山又詭異一不可名狀經川支流水之

大端也其間有滙流者焉分流者焉並流絕流者焉主水

合而散源各異其間或合或離有數流而滙流數一川者一

各出州者不相通者勁弱不同清濁互異絕流蔡氏曰山本

同而未異水本異而未同丘氏曰山體陽而用陰用陰

故靜而能深天下之幽奇險奧莫過於山也水體陰而

用陽用陽故動而多變天下之縱橫恣肆莫甚於水也

此可以語山川之性情矣

水之至濁者莫如河故河最善決北紀大川漳水最濁

南條大川漢水最濁故漳漢之水亦多潰溢水道既變

小而城郭關津大而古今形勢皆爲一易矣余嘗謂天

紀讀史方輿

凡例

七

敷文閣

至動而言天者不可不守其常地至靜而言地者不可

不通其變此亦一驗也

管子曰不知地利者不能行軍孫子曰地形者兵之助

晁錯曰用兵臨戰合刃之急者三一曰得地形何承天

曰山陵水泉地陣也蓋地利之於兵如養生者必藉於

飲食遠行者必資於舟車也孫子十三篇大都推明地

利不特九攻九地之文而已李吉甫序元和志曰今言

地利者凡數十家尚古遠者或搜古而略今採謠俗者

或傳疑而失實至於邱壤山川攻守利害皆略而不書

此微臣所以精研聖后所宜周覽也

凡自宋寰宇記以後

皆略而不書豈欲公之天下如漢人所云史  
記載山川險易遠近不當在諸侯王者乎

正方位辨里道二者方輿之眉目也而或則略之嘗謂  
言東則東南東北皆可謂之東審求之則方同而里道  
參差里同而山川回互圖繪可憑也而未可憑記載可  
信也而未可信惟神明其中者始能通其意耳若并方  
隅里道而去之與面牆何異乎

前代之史易讀近代之史難讀司馬公作通鑑於史漢  
三國採取最多晉宋而降則旁稽博考參取成書其正  
史所存什或未能三四也十七史以後宋元二史最爲  
蕪繆通鑑續編引蔓延流開卷欲臥續綱目因襲義例

讀史方輿  
紀要

凡例

八

敷文閣

稍成體裁然而疎漏不少矣近時史學益荒方輿一家  
尤非所屬意余嘗謂五代以前尚可據史以繩志五代  
以後又當據志以律史蓋志猶憑實而史全蹈虛也是  
書於宋元諸史不能盡存而近時聞見尤用闕如蓋不  
欲以可據之方輿亂以無稽之記載也

儲氏瓘曰知古非難知今爲難夫古不參之以今則古  
實難用今不考之於古則今且安恃自世廟以來黃河  
決塞朝暮不常邊塞震驚出入無候至於倭夷突犯流  
毒縱橫盜賊乘釁播惡未已其間城堡之覆敗亭障之  
消亡村落之塗炭畱心民社者不忍委於不知也知之

亦必考前人之方略審從來之要害因時而發擇利而行弭災消患不虞無術耳然則真能知古而知今正不難矣

編戶多寡不同大約以嘉隆間爲斷水陸道里遠近不同大約以水道爲主其後先迂直之數可折衷而得之也

九邊阨口盤互紆回西南洞寨紛岐錯雜累舉難詳繁稱未盡苟非事實可稽圖籍可據者無庸漫存其名徒眩耳目爲也

說者曰風后受圖九州始布此輿圖之始也山海有經

讀史方輿紀要

凡例

九

敷文閣

爲篇十三此地志之始也周禮大司徒而下職方司書司險之官俱以地圖周知險阻辨正名物戰國時蘇秦甘茂之徒皆據圖而言天下險易蕭何入關先收圖籍鄧禹馬援亦以此事光武成功名儒者自鄭元孔安國而下皆得見圖籍驗周漢山川蓋圖以察其象書以昭其數左圖右書真學者事也余初事方輿卽採集諸家圖說手爲摸寫舊藏朱思本畫方圖及羅洪先廣輿圖防及九邊種數既成病其疎畧乃殫力於書蘇氏曰圖者所以輔書之成也書以立圖之根柢圖以顯書之脈絡以圖從書圖舉其要可也不患其略也

洪武初有天下卽編列天下地理形勢爲書藏之太府  
既又詔天下各獻圖籍以求山川險易之實英廟時詔  
大臣撰一統志所成乃僅如此惜當時爭其事者不詔  
之以祖訓而遽格於陳循之詖說也倘有任脩明之責  
者明示體裁使郡邑各上圖志正封域稽里道驗山川  
城池關塞之大郵亭烽堠之細無不具載而古今政事  
貢賦風俗以次詳焉散而爲百國之車書合而爲一朝  
之典故此亦度越古今之一端與

方輿所該郡邑河渠食貨屯田馬政鹽鐵職貢分野之  
屬是也禹貢記九州亦叙田賦貢物貢道及島夷西戎  
職方則兼詳人民六畜土宜地利唐六典亦載貢賦外  
夷余初撰次歷代鹽鐵馬政職貢及分野共四種尋皆  
散軼惟分野僅存病侵事擾未遑補綴其大畧僅錯見  
於篇中以俟他時之審定要未敢自信爲已成之書也

讀史方輿紀要目次

卷一

歷代州域形勢一 唐虞三代 春秋戰國  
秦

卷二

歷代州域形勢二 兩漢 三國

卷三

歷代州域形勢三 晉 十六國附

卷四

歷代州域形勢四 南北朝 隋

讀史方輿  
紀要

目

一 敷文閣

卷五

歷代州域形勢五 唐上

卷六

歷代州域形勢六 唐下 五代 九國附

卷七

歷代州域形勢七 宋上 遼 夏附

卷八

歷代州域形勢八 宋下 遼 金 元附

卷九

歷代州域形勢九

卷十

直隸一 封域 山川險要

卷十一

直隸二 順天府

卷十二

直隸三 保定府

卷十三

直隸四 河間府

卷十四

直隸五 眞定府

紀讀  
要史方輿



目

二 敷文閣

卷十五

直隸六 順德府 廣平府

卷十六

直隸七 大名府

卷十七

直隸八 永平府 保安州 延慶府

卷十八

直隸九 萬全行都司 開平大寧二衛及諸衛附

卷十九

江南一 封域 山川險要

卷二十

江南二 應天府

卷二十一

江南三 鳳陽府

卷二十二

江南四 淮安府

卷二十三

江南五 揚州府

卷二十四

江南六 蘇州府 松江府

紀讀  
要史方輿  
目

三  
敷文閣

卷二十五

江南七 常州府 鎮江府

卷二十六

江南八 廬州府 安慶府

卷二十七

江南九 太平府 池州府

卷二十八

江南十 寧國府 徽州府

卷二十九

江南十 徐州 滁州 和州 廣德州

卷三十

山東一 封域 山川險要

卷三十一

山東二 濟南府

卷三十二

山東三 兗州府上

卷三十三

山東四 兗州府下

卷三十四

山東五 東昌府

紀讀  
要史方輿  
目

四 敷文閣

卷三十五

山東六 青州府

卷三十六

山東七 萊州府 登州府

卷三十七

山東八 遼東行都司

卷三十八

山東九 朝鮮等附

卷三十九

山西一 封域 山川險要

卷四十

山西二 太原府

卷四十一

山西三 平陽府

卷四十二

山西四 汾州府 潞安府

卷四十三

山西五 澤州 沁州 遼州

卷四十四

山西六 大同府

紀讀  
要史方輿  
目

五 敷文閣

卷四十五

山西七 蒙古等地附

卷四十六

河南一 封域 山川險要

卷四十七

河南二 開封府

卷四十八

河南三 河南府

卷四十九

河南四 懷慶府 衛輝府 彰德府

卷五十

河南五 歸德府 汝寧府

卷五十一

河南六 南陽府 汝州

卷五十二

陝西一 封域 山川險要

卷五十三

陝西二 西安府上

卷五十四

陝西三 西安府下

紀讀  
要史方輿  
目

六 敷文閣

卷五十五

陝西四 鳳翔府

卷五十六

陝西五 漢中府

卷五十七

陝西六 延安府

卷五十八

陝西七 慶陽府

卷五十九

陝西八 平涼府

卷六十

陝西九 鞏昌府

卷六十一

陝西十 臨洮府 河洮岷三衛

卷六十二

陝西十一 榆林鎮

卷六十三

陝西十二 寧夏鎮

卷六十四

陝西十三 甘肅行都司 羈縻衛附

紀讀  
要史方輿  
目

七  
敷文閣

卷六十五

陝西十四 哈密等地 附

卷六十六

四川一 封域 山川險要

卷六十七

四川二 成都府

卷六十八

四川三 保寧府 順慶府

卷六十九

四川四 夔州府 重慶府

卷七十

四川五 遵義府 叙州府

卷七十一

四川六 潼川州 眉州 邛州

卷七十二

四川七 嘉定州 瀘州 雅州

卷七十三

四川八 龍安府 馬湖府 鎮雄等  
衛所附 各羈縻府司

卷七十四

四川九 建昌行都司 番戎附

紀讀  
要史方輿  
目

八  
敷文閣

卷七十五

湖廣一 封域 山川險要

卷七十六

湖廣二 武昌府 漢陽府 黃州府

卷七十七

湖廣三 承天府 德安府 岳州府

卷七十八

湖廣四 荊州府

卷七十九

湖廣五 襄陽府 鄖陽府

卷八十

湖廣六 長沙府 常德府 衡州府

卷八十一

湖廣七 永州府 寶慶府 辰州府

卷八十二

湖廣八 郴州 靖州 施州等 羈縻衛司附

卷八十三

江西一 封域 山川險要

卷八十四

江西二 南昌府 瑞州府 南康府

紀讀  
要史方輿



目

九 敷文閣

卷八十五

江西三 九江府 饒州府 廣信府

卷八十六

江西四 建昌府 撫州府

卷八十七

江西五 吉安府 臨江府 袁州府

卷八十八

江西六 贛州府 南安府

卷八十九

浙江一 封域 山川險要

卷九十

浙江二 杭州府 嚴州府

卷九十一

浙江三 嘉興府 湖州府

卷九十二

浙江四 紹興府 寧波府 台州府

卷九十三

浙江五 金華府 衢州府

卷九十四

浙江六 處州府 温州府

紀讀  
要史方輿



目

十  
敷文閣

卷九十五

福建一 封域 山川險要

卷九十六

福建二 福州府 興化府 福寧州

卷九十七

福建三 建寧府 延平府

卷九十八

福建四 汀州府 邵武府

卷九十九

福建五 泉州府 漳州府

卷一百

廣東一 封域 山川險要

卷一百一

廣東二 廣州府 肇慶府 羅定州

卷一百二

廣東三 韶州府 南雄府

卷一百三

廣東四 惠州府 潮州府

卷一百四

廣東五 高州府 雷州府 廉州府

紀讀  
要史方輿  
目

十一 敷文閣

卷一百五

廣東六 瓊州府

卷一百六

廣西一 封域 山川險要

卷一百七

廣西二 桂林府 平樂府

卷一百八

廣西三 梧州府 潯州府

卷一百九

廣西四 柳州府 慶遠府

卷一百十

廣西五 南寧府 太平府

卷一百十一

廣西六 思恩軍民府 鎮安府 思明府

田州

泗城等羈縻州縣及長官司附

卷一百十二

廣西七 安南等國 附

卷一百十三

雲南一 封域 山川險要

卷一百十四

紀讀  
要史方輿

目

十二 敷文閣

雲南二 雲南府 曲靖軍民府 尋甸府

卷一百十五

雲南三 臨安府 澂江府 廣西府

廣南府 元江軍民府

卷一百十六

雲南四 楚雄府 姚安軍民府 武定府

景東府 鎮沅府

卷一百十七

雲南五 大理府 鶴慶軍民府 麗江軍民府

永寧府 北勝州 瀾滄衛附

卷一百十八

雲南六 永昌軍民府 蒙化府 順寧府

雲州

卷一百十九

雲南七 車里等各羈縻土司 附

卷一百二十

貴州一 封域 山川險要

卷一百二十一

貴州二 貴陽軍民府 安順軍民府

都勻府 平越軍民府 黎平府 各衛所附

紀讀  
要史方輿

目

十三 敷文閣

卷一百二十二

貴州三 思南府 思州府 鎮遠府

銅仁府 石阡府 各衛附

卷一百二十三

貴州四 龍里軍民等衛

卷一百二十四

川瀆一 禹貢山川

卷一百二十五

川瀆二 大河上

卷一百二十六

川瀆三 大河下

卷一百二十七

川瀆四 淮水 漢水

卷一百二十八

川瀆五 大江 盤江

卷一百二十九

川瀆六 漕河 海道

卷一百三十

分野

紀讀  
要史方輿

目

十四 敷文閣

目次終

歷代州域形勢紀要序

天下不能有治而無亂也繇亂而之治則州域奠定而形勢操於一人繇治而之亂則州域紛更而形勢散於天下蓋有都會焉有藩服焉有疆索焉此州域也而卽一人之形勢也封域不可恃爲強城郭不可恃爲固山谿不可恃爲險一夫荷戈羣雄角逐天下各有其形勢而州域於是乎不可問矣有大力者出焉提衡握機取天下之形勢而獨決於指掌之中於以芟除僭僞削平禍亂而形勢復定嗚呼自生民以來亂則必歸於治也其治也必有所以致之者也治則必趣於亂也其亂也亦必有所以致之者也時代之因革視乎州域州域之乘除關乎形勢州域之建置有定而形勢之變動無方譬之奕焉州域其畫方之道也形勢其布子之法也譬之治田者焉州域其疆理之迹也形勢其墾闢之宜也布子同而勝負不同則存乎奕者之心思而已矣墾闢同而穫否不同則存乎田者之材力而已矣禹跡茫茫其得失成敗之故不越於此也覽者盍亦知其大指焉

讀史歷代州域形勢目次

卷一

唐虞三代

春秋戰國

秦

卷二

漢

後漢

三國

卷三

讀史方輿

目

晉十六國附

卷四

南北朝

隋

卷五

唐上

卷六

唐下

五代九國附

卷七

宋上

卷八

宋下 遼 夏 金 附

元

卷九

明

紀讀  
要史  
方輿

目

十七

敷文閣

讀史方輿紀要卷一

崑山顧祖禹景范輯定

□里龍萬育燮堂校刊

歷代州域形勢一

秦唐虞三代春秋戰國

昔黃帝方制九州列為萬國

周公職錄黃帝方制萬里書

野分或曰九州顓帝所建帝嚳受之

徐揚荆豫梁雍九

州顓帝所建

堯遭洪水天下分絕舜攝帝位命禹平水

土以冀青地廣分冀東恒山之地為并州

恒山在直隸曲陽縣在西北

百四百里詳直隸之名太原大同等府皆是

又東北醫無

閭之地為幽州

今直隸之順天永平府及遼東廣寧幽州

皆衛是以其西北

又分青州東北遼東之地為營州

遼東地在遼水東也

紀讀史方輿

卷一

形勢一

一 敷文閣

水在遼

東都司城北西百六十里營州今書曰肇十有遼諸衛以城北又東至朝鮮之境

劉氏曰舜分幽并內固王畿外維疆索包天下後世

之慮也○葉氏曰祭法云共工氏霸九州然則九州

之名舊矣

共工氏在黃帝以前

春秋緯云人皇氏分九州又鄒

衍淮南所稱九州其辭甚誕大抵九州者古今之通

謂也

夏有天下還為九州禹貢所稱其較著矣

都邑攷夏都安邑

安邑今山西解州屬縣

其後帝相都帝邱

帝邱

今直隸開州西南三里舊濮陽城是

少康中興復還安邑又曰昔伏

羲都陳南即陳今州神農亦都陳又營曲阜曲阜今山東黃

帝邑於涿鹿之阿志涿鹿州地理總要云南即涿州有地

府鹿山城在媯州側懷戎縣今為宣府鎮今懷來衛順天少昊

自窮桑登位曲阜桑北後徙曲阜顓帝自窮桑徙帝邱

上見帝嚳都亳偃今河南至堯始都平陽世紀堯始封唐

山西太原平陽及府治子汾縣舜都蒲阪蒲今山西禹

都安邑鄆世紀禹封夏伯今地在秦晉之間或曰陝西

又陽或云安陽或堯舜禹之都相去不過二百里皆在

### 冀州之內

冀州今直隸山西及河南之彰德皆輝懷

紀讀要史方輿 卷一 形勢一 二 敷文閣

孔氏曰冀州帝都也三面距河中大河也自積石入

距河大州之域川冀瀆異同南下此蔡氏曰禹貢冀州

不言所至蓋王者無外之義

濟河惟兗州津縣入海詳川南瀆異同兗州今山東昌利

府及濟南府北境兗州府西境又兼有

孔氏曰兗州東南據濟西北距河

海岱惟青州瀆海大海今環遼青登萊三府東之泰安詳見北川

五里詳見山東名山青遼諸衛亦禹貢青州地也

孔氏曰青州東北據海西南距岱

海岱及淮惟徐州桐海在縣江桐柏山至江南北安淮水出東河北

又入鳳陽詳見之川宿異泗州徐淮安府之東邳州海州及皆江南其地

孔氏曰徐州之域東至海北至岱南及淮

淮海惟揚州海在古揚州東境揚州是

孔氏曰揚州北據淮東南距海

荆及衡陽惟荊州荆在湖廣南漳縣西北八十里見湖

廣南境又貴州思南今銅仁思州石阡等川府及義廣西之重慶

州皆廣東之地

孔氏曰荊州北據荆山南及衡山之陽

荆河惟豫州豫州今河南州郡及其地

孔氏曰豫州西南至荆山北距河

紀讀史方輿

卷一

形勢一

三 敷文閣

華陽黑水惟梁州華山在陝西華陰縣南十里詳陝西

詳川及瀆異同梁州今四川

孔氏曰梁州東據華山之陽西距黑水

黑水西河惟雍州黑水今在陝西肅州東曰西北河者五里有

陝西州郡皆是

孔氏曰雍州西據黑水東距河

鄭氏曰州縣之設有時而更山川之形千古不易所

以禹貢分州必以山川定疆界使兗州可移而濟河

之兗不能移梁州可遷而華陽黑水之梁不能遷是

故禹貢為萬世不易之書

蔡氏曰禹貢作于虞時而繫之夏者禹之王以是功  
又卽夏有天下以後之成制也

殷商革命詩稱九有因夏之制無所變更

都邑攷契始封商今陝西相土遷商邱今河南歸德

湯居亳括地志宋州也又穀熟縣西北有亳城為北亳故

南偃師為西亳帝嚳始居此湯卽自南亳徙都仲

焉故書序曰從先王居也今詳見商邱之亳城

丁遷囂世紀今河南敖倉是也括地志今鄭州滎陽

縣河亶甲居相今河南彰德府西祖乙圮于耿今山

津縣南十三里有耿城史記祖乙遷于邢或以盤庚

遷殷卽西亳武乙徙朝歌今直隸濬縣四敷文閣

謂沫邦也王氏曰爾雅兩河間曰冀河南曰豫濟東

曰徐河西曰雍漢南曰荆江南曰揚燕曰幽濟河間

曰兗齊曰營孫氏爰以為分禹貢之冀而復舜之幽

又并青于徐而復舜之營殷之九州燦然可攷陸氏

佃亦云禹貢有青徐梁而無并幽營爾雅有徐幽營

而無青梁并職方有青幽并而無徐梁營三代不同

故也然班氏志地理以為殷因于夏無所變改杜佑

亦曰殷湯受命亦為九州分統天下爾雅之文未可

據為商制矣

陳氏曰商書言九有之師商頌曰奄有九有又曰式

于九圍王制于商亦曰九州千七百七十三國商之九州蓋襲夏而已孫爻以爾雅與禹貢周禮不同故疑爲商制亦無明文言殷改夏也

周既定鼎亦曰九州屬職方氏

都邑攷后稷始封郃今陝西武功縣西南二里公劉徙

邑于豳今陝西三原縣西太王遷于岐今陝西岐山縣

鎮里是岐山南有周原改號曰周王季宅程亦曰郢今陝西咸陽縣東二十里

安陽陵城東二程里有文王遷豐通典今長安西北靈臺

西豐鄆即其地也又豐城今陝西武王徙都鎬八通典長安西北有十

鎬鄆二鄭康成曰豐邑在豐宮在西鄆京東二水東相鎬去

紀讀要史方輿卷一形勢一五敷文閣

五在雍州詳西南是二十成王營洛邑西曰王城今河南在

餘今河南謂之城東周今詳北見河南王城三十名曰東周懿

王徙犬邱南今陝西槐里平城東平王避犬戎之難東遷

于洛卽洛邑也

東南曰揚州山會稽在浙江紹興府城東南藪具區卽

州湖也在浙江蘇州府城西見江南大川三江一三曰江

東松江自太湖吳淞口蘇州府一吳江縣亦橋口至嘉定縣

曰蘇州府城東太湖分倉州東江南七東里劉家河口興海境

南至松江府合松江八海今川江浸五湖五湖曰湖太

者湖曰東藪窪下灣而也鍾水漫而漫淺

正南曰荊州山衡山禹○貢衡荊州見藪雲夢城在南湖五廣十德里安府

川江漢州江之水發源四川海茂門縣西北之岷山發歷梁陝西揚寧三

府羌城東北入之大蟠江豕俱詳至川瀆異同陽浸潁湛南潁登水封縣源陽河

南乾山至魚齒南山穎上縣東北入淮詳汝南水大在川禹湛水為出豫河

內州域

河南曰豫州山華山貢梁山禹藪圃田中圃牟田縣澤西在北河七南

里川滎洛水滎出或陝以西為滎州澤南誤也嶺滎山灘至今河之南汴水縣是北矣入洛

南河俱詳河浸波滎入汝水出滎河南出魯山廣棗西陽縣歇東馬北嶺黃流

山流八

正東曰青州山沂山五沂山在東山臨東名南山百藪孟諸

紀讀要史方輿 卷一 形勢一 六 藪文閣

孟諸澤禹為南豫州德府川淮泗出淮山水見禹貢徐州泗山水

至清河南二清河于禹南貢入皆徐州見江也南大浸沂沭東沂臨水出縣山

沂山至江邳南入泗水

河東曰兗州山岱山青禹貢藪大野鉅野縣澤東五里東川

河洙河見禹貢冀州浸盧灘縣今山東長清在縣濟有廢郡盧

箕盧山至漣縣不可考海于禹貢為青莒州西北

正西曰雍州山岳山隴吳岳南山百四在陝西藪弦蒲在隴州藪

西四川涇汭縣西入陝西涼府大西川開頭山弦至高陵

至邠州長武縣合水于涇浸渭洛源渭縣西出陝西臨洮華陰渭

沮縣北入朝于河洛南入渭陝西此合雍州之北洛水於山俱詳見陝

川西大

東北曰幽州山醫無閭醫無閭十閭見見藪豨養豨養東登東登澤州在

禹貢萊陽青縣東境于川河洑浸菑時菑時原山水至壽光縣東萊縣北入

于海亦曰淄水合時小清入東海青州府于臨淄縣皆在青州

境

河內曰冀州山霍山霍山在山西平陽府霍州藪揚紆

在水直隸注大晉陸澤平及名鉅鹿紆縣藪境今川漳山漳水有安二府濁漳子

少縣山西發鳩南山清漳縣出山西合焉其原下流復分州為樂二平縣流西南

直隸獻縣合滹沱河支流自山東昌府館陶縣合于

川浸汾潞入汾水出詳山靜西樂縣北潞管水關至曰滎河濁漳

紀讀要史方輿 卷一 形勢一 七 敷文閣

水今濁漳在密雲安縣今城西隸南通州之白河即潞水也

正北曰并州山常山常山十恒州山見注藪昭餘祁昭餘祁在昭餘西太藪

東七府祁縣川滹沱嘔夷嘔夷北滹沱戲山至直隸代河間繁峙縣東

西北小府直沽入海詳西北高是川嘔夷直隸保定府安州山

北而合子浸涑易涑易下流水合于易涑水縣北易州名拒山有

三源並導于海今詳直隸大河及滹

魏收曰夏書禹貢周禮職方中畫九州外薄四海析

其物土書其疆域此蓋王者之規模也

李氏曰禹貢無幽并職方無梁徐蓋周合梁徐于雍

青分冀野為幽并考工記言天下之大勢兩山之間

必有川焉兩川之間必有涂焉廣谷大川風俗之所  
以分故推其高且大者先正之然後九州可別如大  
山定而山之西爲兗大山謂泰山大河定而河之南爲豫  
此分畫之要也

陳氏曰古者名山大川皆天子使吏治之而入其貢  
賦是以九州川浸山藪各在職方不屬諸侯之版夫

子作春秋虎牢不係鄭虎牢今在河南汜水縣西二

于春秋襄城二年仲孫蔑會諸侯之大夫沙鹿不係晉沙

山在直隸大名府鹿城東四十里春緣陵不係杞緣

侯在今山東諸城縣東春秋僖十四年楚邱不係衛

紀讀要史方輿卷一形勢一八敷文閣

僖二年今城直隸滑縣東六十里楚邱而封衛也蓋別天

子之守地也春秋云不以沙鹿係晉周季諸侯始擅

不盼之利齊幹山海晉守郟瑕桃林之塞郟瑕今山

東北有郟城東南有瑕城桃林宋有孟諸楚有雲夢

皆不入于王官此諸侯所以僭侈王室所以衰微也

歟

傳稱禹會諸侯于塗山塗山口江八里懷執玉帛者萬國

成湯受命其存者三千餘國武王觀兵有千八百國東

遷之初尙存千二百國迄獲麟之末二百四十二年諸

侯更相吞滅其見于春秋經傳者凡百有餘國而會盟

征伐章章可紀者約十四君耳

魯今自山東兗州府以東南接

都邑攷魯都曲阜故少皞都也故春秋傳曰命伯禽而封于少皞之墟

衛今自直隸大名府開州以西至河

都邑攷衛都朝歌卽殷紂都也故酒誥曰明大命于

妹邦妹沫其後戴公廬曹今直隸文公遷楚邱見前成

公徙帝邱卽顓頊都也故春秋傳曰衛顓頊之墟又

云衛成公夢康叔曰相奪予亦謂之濮陽戰國時名至元

后徙野王而祀絕野王今懷慶

紀讀史方輿 卷一 形勢一 九 敷文閣

齊今自山東青州府以西南東昌之間又北至

都邑攷太公初封營邱營邱卽山東臨淄縣或曰營

邱胡公徙薄姑今青州府博興縣東獻公徙臨淄卽

縣

晉今自山西平陽太原以東至直

都邑攷虞叔封唐今山西古唐城變父徙居晉今太

陽東北晉穆侯徙絳今山西翼城縣東南孝侯改絳

曰翼旣而曲沃滅翼曲沃今山西文侯成縣東左封邑復

都絳按左傳隱五年曲沃莊伯伐翼侯迎翼侯于

弟隨納諸鄂謂之鄂侯栢沃八年曲沃滅翼王因就命哀侯

或晉曰侯在一今十六年獻介公休城絳東自鄂晉沃陽故都之隨別晉名別也邑  
新即晉後與絳之亦翼也遷景公遷新田里今之曲沃縣是西南二

仍稱絳

宋江今自徐州南境歸德府以東至

都邑攷宋都商邱即相土所遷者

鄭成今河南開封府以西至

都邑攷鄭都新鄭有今故河南鄭縣桓又公陝始封華州西北

陳南今亳河南開封府以東南至江

都邑攷陳都宛邱州今治陳即伏羲所都故春秋傳云陳

太皞之墟也年春秋哀十七

紀讀要史方輿卷一形勢一十敷文閣

蔡東今河南汝寧府以

都邑攷蔡叔始封蔡上今汝寧府平侯徙新蔡府今汝寧

縣昭侯徙州來城今是江也哀壽二年為吳所遷亦曰下

蔡

曹南今山東曹州以

都邑攷曹都陶邱都今山東曹州陶城也西哀八年為宋一所

滅

許東今河南許州以

都邑攷許都許里今許州東城三十靈公遷于葉今河南

悼公遷夷實城父今江西南城父縣是七旋還葉昭九年

靈平王遷許于夷十二又遷於析實白羽今河南許

斯遷容城為鄭所滅容城或曰在葉左傳西自四年許

年遷鄭滅許其後仍見于春秋蓋楚所復也

秦以今西皆秦分也

都邑攷非子封秦城秦紀非子之居秦括地志今秦分州

邱清即周懿故秦所都也犬莊公復居犬邱秦紀西犬邱居襄

公徙居汧地秦于紀是平始王國封焉世紀云諸襄侯公賜之二年岐徙以西汧

三括里有志汧今隴是州也文公復卜居汧渭間西秦垂宮東公獵居

至汧北渭之會里乃故卜居之括地志鳳翔府也寧公徙平

陽今有郿平縣西四城十六德公徙居雍德今鳳翔府治秦大

紀讀要史方輿卷一形勢一十一敷文閣

七鄭宮括地志雍縣南獻公徙櫟陽即北五里故櫟

陽縣孝公作為咸陽徙都之今西咸陽故城也自孝

公至子嬰凡十世皆居咸陽也

楚裕今自湖廣州之府皆楚分也

都邑攷熊繹封丹陽今湖廣歸州東南七里丹陽故

楚改稱文王始都郢紀今荆州府北十里也平王更城郢

而都之今荆州府東北昭王遷郡西襄陽府宜城郡

城旋還郢至襄王東北保陳城即故國考烈王遷鉅陽

里或曰江南潁州西北四十又遷壽春今江南亦曰郢

最後懷王孫心都盱眙今盱眙縣又徙長沙榔縣而亡

廣郴縣州今也湖

吳江今嘉自湖之南境皆泗吳以南至浙

都邑攷吳都吳梅今江常蘇州府治無錫縣正南義泰伯居

猶有謂之伯闔閭城闔閭哀閭二始十吳郡為城越所滅今

越又今東自浙于海杭州皆越分以南

都邑攷越都會稽邪今浙江紹興州府治又城勾踐嘗徙百

琅四邪城里有

司馬遷曰齊晉秦楚其在成周微甚封或百里或五

十里晉阻三河距冀州也三面齊負東海楚介江淮秦因

雍州之固四國迭興更為霸主文武所褒大封皆威

紀讀史方輿 卷一 形勢一 十二 敷文閣

而服焉

其子男附庸之屬有今十考三定國百則悉索幣賦以供大國之

命者也

邾東今南兗二州十府五鄒縣有左繹山魯十繆三年邾文公遷鄒今鄒語

鄒亦作

杞已今遷開東封國故杞隱宋四年莒曰伐周杞取牟婁牟婁至春秋時杞

預年曰又桓遷六年陵淳襄二公亡九國杞似并城之杞都淳淳于杞僖又十

徙于東淳北于其列故地攷入周鄭王宋封東樓公于世先杞春秋時

緣為楚俱惠在王所東滅諸城邱縣即淳于之見杞下州牟國婁

茅縣今東兗舊州有茅鄉

滕今四里州有古滕縣城西

薛之今皇滕祖奚西仲南居四薛十為夏有車薛正城奚左仲傳遷定于二年仲薛虺宰居曰薛

江為南湯邳左州相也邳今

莒州今府山莒東州青

向城今是山隱東二沂州南人百入里向故向

紀左今傳青莊州四府年壽紀光侯縣大西夫南其三十違餘齊里難有也紀城

夷城今即山古東夷膠州隱即元墨年縣紀西伐廢夷壯武

邠僖滕七縣年東改南為有小邠城

鄆城今襄兗六州年府莒嶧人縣滅東鄆有鄆

遂遂今城兗莊州十府年寧齊滅縣遂北有譚有今譚城南莊十東年南齊滅十譚里

紀讀要史方輿卷一形勢一十三敷文閣

偃陽年嶧晉縣及南諸五侯十滅里偃有陽偃以陽與城襄十

郟城今僖兗二州十府年城郟武子縣來有朝郟

鑄北寧有陽鑄縣城西

郟郟兗城州襄府十濟七寧州取東郟南有

鄆縣或東曰北在山成六年沂取州鄆郟城

宿城兗卽州古府宿東國平莊州十東年二宋十人里遷無宿鹽

任卽今古濟任寧國州

須句魯卽伐今郟東取平須州左而傳復僖封二之文二七年郟取人須取句須句

顓臾九今沂州有費縣顓臾西北

郟四今年郟公城及縣齊西侯南平有莒古及郟城宣

州六年青經州書府州安公邱如縣曹東傳有曰淳淳于于城公薛也瓚周曰國州地名都云也杞桓

其改地國并號于曰杞州耳悞蓋

於餘邱二或年曰魯在伐沂於州餘境邱莊

牟有山牟東城秦桓安十州五年燕牟縣人東來二朝十里

鄆城東莊平三州十東六年齊十人里降有鄆鄆

郟有東郟平城州隱汶五上縣北人二入十郟里

郟今國沂也州昭北十有八年開郟陽入城郟卽開彭陽本城作卽沂郟國東也南故

極西或南曰隱在二兗年州魯府入魚極臺縣

根牟古莒根州牟沂國水宣縣九南有取牟根鄉牟卽

陽都沂水縣東南齊有偃遷都之城于故此陽左國傳或閔曰二陽年國齊本人在遷今陽

紀讀要史方輿卷一形勢一十四敷文閣

介古今介膠國州僖高二密十縣六年有介故葛黔盧陬來城朝卽諸彭城本縣云東青北州有府

古黔介陬國城卽

萊年今齊登滅州萊府而黃遷縣之東于南鄉有或萊曰子卽城今亦萊曰州郟治六

虞有今虞山城西卽解虞州國平都陸也縣僖東五年四晉十滅餘虞里

虢預今謂河之南西陝虢州其城鄭東南汜有水上縣陽古城卽古虢叔古所虢都仲謂國之都東也虢杜

鳳翔佑府曰南陝三州十之五虢里爲有北虢虢城汜謂水之西虢爲亦東曰虢小又虢陝東西

公虢之爲季鄭北所虢滅爲在晉春秋滅之在前僖小公虢五爲年秦是所爲滅三在虢魯也莊

祭有開祭封城府隱鄭元州東祭北伯十來五里

共鄭今叔衛段輝出府奔輝其縣杜卽預古曰共國隱元年

南燕昨今爲衛南輝燕府所昨并城也縣春秋昨傳國凡春秋燕時者爲皆南南燕國而或召曰

公曰所封燕之燕

凡今城輝隱縣七西年南凡二伯十來里聘有

蘇曰今温懷僖慶十府年温狄縣滅西温南或二曰十自里是故温温子城徙蘇邑于國河都南也亦

原襄今王懷以慶温府原濟與源晉縣自西是北原十在五河里有温原城皆畿二十國五年也

周縣畿東內遷國以也後其采邑在洛陝陽東岐山

召而亦東畿今內山國西其垣采曲邑縣即東今有陝西邵亭鳳是翔其府采治後徙云徙

毛十畿四內年國狄在伐河周南獲府毛境伯僖二

甘里畿有內甘國城今襄河王南弟府子西帶南之二封十邑五

單縣或東曰南今在畿河內南國孟津

成十在年河成南肅府公境會亦晉畿侯內伐國秦也成

紀讀要史方輿卷一形勢一十五敷文閣

雍縣懷西慶有府雍修城武

樊畿也內晉國語或陽曰有今樊濟源之縣官西南焉十蓋五仲里山甫陽采城邑是後徙陽

南于河

尹縣畿東內南國東或遷曰初自今岐河南遷府于新此安

劉里畿有內劉國聚今宣河十年府劉偃康師公縣來南報三聘十五

鞏河畿南內府國鞏也縣今

芮有今古陝西芮城同桓州口即年古芮芮伯國萬又出山居西于解魏州即芮城縣也西

魏城芮閔城元縣東晉北滅有魏古魏

荀縣亦東曰北郇今五山西有蒲古州郇臨城晉

梁城今即同古州梁韓國城僖縣十南九二年十秦二取里梁少梁

賈左今傳陝西華州蒲城芮西梁伯十荀八侯里賈伯伐城曲卽沃古時賈曲  
翼沃也滅

耿祖今乙蒲都州也河閔津元縣年有晉耿滅城耿卽殷

霍元今山晉西滅霍州閔

冀年今晉河荀津息縣所東稱北冀有爲冀不亭道僖者三

崇殷或崇曰侯在同也州宣境元又年西晉安侵府崇鄂杜縣預東曰五崇里秦有之酆國卽

黎五今山晉西滅黎潞城氏縣而東立北黎十侯八蓋里先有爲黎潞侯氏城所宣滅十

鄧十今六年陽楚府滅鄧州莊

申故今申南國陽都府也北莊二十年里楚有滅申申城卽

滑古今費河邑南滑府都偃也師僖縣三南二十三年里秦廢人緱滅氏滑縣

紀讀要史方輿 卷一 形勢一 十六 敷文閣

息息今城河莊南十光四州年息楚縣滅北息有故

黃境今內光亦州有西黃十國二子里產有所黃謂城沈僖似十蓐二年黃晉楚主滅汾黃而又滅山之西

者

江故今江汝城寧文府四真年陽楚縣滅江南有

弦昭今三光十州一西年南吳有圍弦城僖楚五年其楚國滅也弦又

道安今城息卽縣春西秋南時十道里國故陽

柏縣今卽汝古寧栢府西平

沈蓋今在陳今州汝沈寧邱縣東杜北預定曰四年興蔡縣滅有沈沈亭

頓五今年陳楚州圍商陳水納縣頓北子有于南頓頓定城十卽古年頓楚國滅僖頓二十

項十今七年陳州魯項滅城項縣僖

郡入今都南杜陽預府曰內後遷縣于西南丹郡水郡城縣即古今都湖廣文宜五年縣秦之人

昭故王都所城也楚

胡今江城定南十穎五州西為北楚二所里滅有

隨安今府湖隨廣州德

唐今城隨定州五年北楚八滅十唐里有

房即今春汝秋寧時房遂國平縣

戴即今古河戴南國睢隱州十考年城鄭縣取故戴城

葛故今葛歸城德桓府十寧五陵年縣葛北人十來五朝里有

蕭宣今十江二南年徐楚州滅蕭肅縣

徐徐今徐江子南奔泗楚州楚北遷五十里夷有即許城國昭所三嘗十年者吳滅

紀讀要史方輿

卷一 形勢一

十七 敷文閣

六里今有廬六州城府文舒五城年縣楚東南六六十

蓼今又壽宣州八霍年邱楚縣滅西北舒蓼有或蓼曰城古改蓼封國蓼也而文復五年之楚滅

宗或陽預城曰是湖也陽桓縣十亦一古年蓼與國郎今隨河伐南楚唐蓋縣湖南陽九之十蓼里國故云湖

巢居今巢江城南文無十為二州年巢楚縣圍東巢北有

英氏七在年江齊南人六徐安人州伐西英僖氏十

桐有今桐江鄉南古安桐慶國府舒桐城即縣舒杜城預縣曰定廬二江舒桐縣叛西楚南

舒庸今舒廬鳩州之府屬舒文城十縣二僖年三年舒徐叛人楚取是舒也杜宣預八年舒楚有滅舒

舒鳩二在十江五年廬楚州滅府舒境鳩襄

舒

舒鳩二在十江五年廬楚州滅府舒境鳩襄

舒庸 十在江年南楚安滅慶舒府境成

鍾吾 吾今國江昭南三邳十州年宿遷縣執鍾即吾古子鍾

穀 里今故湖穀廣襄是陽桓府七穀年城穀縣伯西來北朝七

貳 山在縣隨境州應

軫 一在年德楚安屈府瑕應將城盟縣西軫桓十

郟 治亦即作故郟郟今都德也安府

絞 桓在十湖二廣年郟楚陽伐府絞西北

羅 縣今南襄八陽十府里宜有城羅縣國東城桓二十五年里楚有伐羅羅川杜城預又曰南羅漳

賴 平在江宜縣城南縣亦西有山羅中國後城徙南云郡楚枝自江枝縣江又徙今羅岳于州此府

賴 楚今滅河賴南遷光賴州子商鄆城即縣湖南廣有宜賴城亭縣昭也四年

紀讀要史方輿 卷一 形勢一 十八 敷文閣

州 年今郟荆與州隨府絞監州利蓼縣伐東楚有師州此城則即楚古境州之國桓國十也一

權 克今湖權遷廣權荆于門那州處當會陽荆縣門東南有南故城那口傳城楚是武也王

厲 國今僖隨十州五年境齊有師厲曹鄉師即伐古厲厲

庸 有今上郟庸陽城府文竹十山六縣年東楚四滅十庸里

麋 有今東郟西陽二府麋治城古文麋十國一也年又楚岳伐州麋府境

夔 夔今城湖僖廣二歸十州六年二楚十滅里有古

巴 夔今州四以川西重叙慶州府以治北巴皆縣古是巴王國氏地曰

邢 山今東北東直昌順府德西南治十即二古里邢有國夷僖儀元年又邢順德于府夷西儀百今

北燕 三四十五里年有衛夷滅邢城僖 封天堯府後治于春秋燕時故燕都都在也易州和城志東南本後古

遷并于薊地遂

焦里今有河南陝州南二

揚南今山八里平有陽府城洪古洞揚縣國東

韓女今叔陝西韓城縣南滑八揚里韓古皆韓姬城襄也杜預曰八國

所皆滅晉

不羹裕羹州音舞郎陽今縣西南北許有州東襄不羹縣城東南傳有昭十不羹城楚又

二子不城羹陳子蔡革不羹謂杜四預國曰者陳也蔡二不羹

又有九州夷裔八約十則參錯于列國間者也

戎蠻國河南汝州西南有蠻城即戎蠻子

陸渾年今秦河南遷府陸嵩渾縣北戎三十里川有昭十渾七廢縣儂二陸十渾

紀讀要史方輿

卷一

形勢一

十九

敷文閣

鮮虞定今四年隸晉真荀寅府曰西北山四十服里又新市三城年即齊鮮虞國求援都

也于蓋中山是中改山稱即中鮮山虞

無終本今在直隸薊州東境玉後川為縣晉即所山敗滅無徙終于燕薊或之曰東無昭終

羣元年狄于晉太敗原無是終也及

潞氏年今晉滅安府赤狄潞潞城氏縣十春秋六年時滅潞甲氏嬰及畱盱也鐸宣辰十皆五

屬潞氏之

膺咎如其或屬曰又在有山皋西口太氏原閔府二境年亦晉赤伐東別山種皋落讀曰皇

白狄西在汾陝州西府延西安境府亦境白及狄山

驪戎潼今縣陝西即古西驪安戎府國臨

犬戎預在曰陝西西戎鳳翔在府中北國境者杜

山戎 齊今伐直隸永平府境北莊三十年

茅戎 吾在氏河杜預曰茅境戎元年別劉種徐公吾伐氏茅戎績于別徐

也種

盧戎 盧今湖襄陽南漳舊縣東五古十盧戎廢國中

鄭瞞 臣在山東濟南府或曰境今青曰州長府狄高文苑十縣一有年廢臨孫濟得

長城 狄古所居邑即

北狄 莊在公山末西伐大邢同伐蔚州之諸狄境也即

淮夷 州在江西南曰徐東邳夷諸

肥也 山昭西平二定年州晉樂平縣又東今直隸永平府西北城有肥國如

有城肥真定縣或藁曰城皆晉西滅南肥有後其族類又散處之濟南府

紀讀要史方輿

卷一

形勢一

二十

敷文閣

鼓 年今晉直隸鼓晉而州反即之故二鼓十國二年左晉傳滅昭鼓十五

戎 縣杜預南曰有陳楚留邱濟城括地東南云有即春秋戎州國己氏山邑東也曹

見濟曹陽縣亦

濮 寧亦郡曰有濮濮夷文建十寧六年麋南人曲靖百濮境也楚或杜曰預湖曰廣今常

即德古辰百州濮府地境

左傳僖二十四年富辰曰管治今河南管鄭州蔡邴霍魯

衛毛聃 曰亦那作讀冉曰又為邠故今邠湖廣本荆門邠州又那見口上城權孔氏

郟雍 有今雍河南即修古武雍西國曹滕畢今原陝西畢咸公陽高縣北封有

原鄆 縣杜氏曰見上鄆在國鄆郇文之昭也邠三十懷慶府西城北

邠即古晉應三十河里有應山城東韓武之穆也凡蔣南今固河

始縣西北有  
思城即故蔣  
□邢茅山東金鄉古茅國西北  
昨祭周公之

允也又昭九年景王使詹桓伯辭於晉曰我自夏以

后稷魏駘即始郃也后芮岐畢我西土也及武王克商

蒲姑亦即齊蒲胡公商所徙薄姑國城商奄奄今山東曲阜縣有

我東土也巴濮楚鄧我南土也肅慎杜預曰肅慎在

餘燕亳亳夷在陝西北境秦紀寧公我北土也

國語史伯曰當成周者南有荆蠻即楚申呂府今西南陽

十里有國呂應鄧陳蔡隋唐北有衛燕翟鮮虞路即潞

洛夷在今陝西慶陽府東北境漢匈奴傳武王放逐戎

蓋以名洛泉左傳所云泉南有泉亭也徐或曰徐之戎徐之屬

紀讀要史方輿卷一州域形勢一 二十一 敷文閣

也蒲亦赤翟屬西有虞虢晉隗或曰隗即白狄也白狄

翟之北霍揚魏芮東有齊魯曹宋滕薛鄒即邾莒是非

王之支子母弟甥舅也則皆荆蠻戎狄之人也按杜

在春秋一傳所載之國凡百七十大小諸國九以土地所

之屬凡百四十有五國而

春秋以前之國不錄焉

黃氏曰荆宛并韓之州宛并州其國都皆近京師

宛衛武關以制楚武關在陝西商州東北韓扞臨晉

以制翟臨晉關即蒲津關在山西蒲州西皆天下形

勝故宣王中興特著二詩焉大抵周人幽據全燕齊

據海岱燕制翟齊兗冀翼蔽洛陽并荆控扼咸雍此

天下全勢也觀九州山川險要之處與其建牧規模而經畧大體可見矣

莫不弱者先滅強者後亡凌夷至於戰國存者惟有七君而田齊三晉又非春秋之舊

呂氏曰秦變於戎者也楚變於蠻者也燕變於翟者也趙魏韓齊以篡亂得國者也周以空名匏擊其間危矣哉

周室衰微所有者河南即王城也洛陽即下都也穀城今河南西北十

八里有平陰故城在今孟津縣東偃師今縣鞏今縣緱氏故城在今偃

里七城而已

紀讀史方輿

卷一

州域形勢一

二十二

敷文閣

呂氏曰周都岐豐復卜鞏洛被山帶河形勢甚狀班

氏言洛邑與宗周通封畿東西長而南北短短長相

覆為千里是也平王東遷賜秦以岐豐之地而周始

弱既又割虎牢見前鄭見前酒泉酒泉或曰今河南府澠池縣地界虢南府

襄王又畀温原數邑於晉温原俱見前子男見前國畿甸益削矣

既又分為東西二周秦人入寇周遂先亡

杜氏曰西周河南也東周鞏也平王初遷於河南曰

王城子朝之亂敬王居狄泉曰下都今洛陽故城是

也洛陽故城中有狄泉敬王既定子朝之亂改都下

是也廣之考王封其弟揭於河南以續周公之官職是

爲河南桓公咸烈王時桓公孫惠公又封少子班於鞏以奉王於洛陽是爲東周惠公顯王二年韓趙卽其所封分周爲二河南緱氏穀城三邑屬西周洛陽平陰偃師鞏四邑屬東周於是東西周同於列國顯王特寄居東周之洛陽而已赧王復遷於西周而周乃亡○吳氏曰敬王四年子朝奔楚事在春秋昭二十六年王雖返國然以子朝餘黨多在王城乃徙都成周而王城之郡廢至考王封弟揭於王城是爲周桓公自此以後東有王西有公而東西之名未立也桓公生威公威公生惠公惠公少子班又別封於鞏以奉王是爲東周惠公而班之兄則仍父爵居王城爲西周武公自此以後西有公東亦有公二公各有所食而周尙爲一也顯王二年韓趙分周地爲二二周公治之王寄焉而已周之分東西自此始也史記謂赧王時東西周分治者非是自慎靚王以上皆在成周赧王立復徙於王城蓋東西周之名前後凡三變初言東西周者以鎬京對洛邑而言中間言東西周者以王城對成周而言春秋昭二十三年王居狄泉在王城之東王時最後言東西周則以河南對鞏而言也夫秦七國之雄也都邑見前

戰國策蘇秦曰秦西有巴蜀漢中之利巴蜀漢中見後四郡史

中記南作有西巴有蜀漢北有胡貉代馬之用北胡在王氏曰貉在如

樓以煩北林故胡樓之煩胡貉地大辰韓之屬州以山西北故林原胡地豈遼

也東三三萬處皆衛以產良東馬胡即貉代本屬大趙貉屬州之蘇秦古時代地

有蜀也胡蓋侈皆言非之秦南有巫山黔中之限山巫縣山東在三十口巫

中詳見四後川名中山黔東有嶠函之固嶠北六在河見南永寧

潼名山在三嶠函函谷關在河十里靈寶縣西南十里險潼今關曰沃

野千里地勢形便此所謂天府天下之雄國也○范

睢曰秦四塞以為固高曰誘曰函四面有關山之固也徐

塞蕭關亦曰關曰中北有甘泉谷口縣甘泉山在西安府谷口

北在西安府醴泉縣東南帶涇渭從咸陽東南職方涇水

紀讀要史方輿卷一州域形勢一 二十四 敷文閣

山曰南帶渭東史記秦被河右隴蜀西隴北六里在鳳翔府隴州

山隴左關阪關即嶠關此霸王之業也○蘇秦謂趙

王秦下軹道南軹三十懷慶府軹城縣則南陽動府今懷慶

秋時晉人自太行以南南陽故城之南劫韓包周則趙自

銷鑠據衛取洪今直隸濬縣界合於淇衛河則齊必入

朝秦欲已得行於山東則必舉甲而向趙秦甲涉河

逾漳河在北境漳之北皆今懷慶府南境之河彰據番吾

山番吾或據括在地今彰德府磁州境平則兵必戰於邯鄲之

下邯鄲也趙○楚人謂頃襄王秦左臂據趙之西南右

臂搏楚之鄢郢鄢郢及楚前都子男鷹擊韓魏垂頭中國

處既形便勢有地利

荀子曰秦國塞險形勢便山林川谷美天府之利多此形勝也

史記田肯曰秦形勝之國也帶河阻山隔絕千里持戟百萬秦得百二焉地勢便利其以下兵於諸侯譬猶居高屋之上建瓴水也

韓秦魏之門戶也

都邑考晉封韓武子於韓原即故前韓國宣子徙居州懷今

慶府東南五十里武德城是貞子徙平陽即也堯都景侯徙陽翟今陽翟

南禹州也本鄭地為韓所并於是韓亦兼鄭之稱哀侯徙新鄭故二年滅也鄭

紀讀要史方輿卷一州域形勢一二十五 敷文閣

自陽翟徙於陽翟或云懿侯復遷於陽翟

戰國策蘇秦曰韓北有鞏洛成臯之固鞏見洛前西

有宜陽商版之塞宜洛山今在陝西商州東南九十里

司馬貞曰商版在商洛間適秦楚之險塞東有宛穰洧水宛洧即申穰即禹州

密縣入於潁水南有陘山陘山在新鄭縣西南地

方千里○張儀請秦伐韓曰親魏善楚下兵三川三

謂成周也河塞轘轅緱氏之口七轘轅山在鞏縣西南

師縣南四十里皆險道也史記作塞什斷屯畱之道

屯畱今山西行潞安府有屯畱縣魏絕南陽楚臨南鄭

南陽謂河內之南秦攻新城宜陽新南陽今在河南以

臨二州之郊○張儀說韓曰秦下甲據宜陽斷絕韓

之上地云上地猶東取成臯滎陽前故仲榮丁遷囂也見則鴻

臺之宮桑林之苑名鴻臺也在韓都城內苑非王有已夫塞

成臯絕上地則王之國分矣○范雎謂秦昭王曰秦

下兵而攻滎陽則成臯之道不通北斬太行之道行太

山在懷慶府城北二十里有羊腸阪道則上黨之兵

不下一舉而攻宜陽則其國斷而為三○蘇代約燕

王秦正告韓曰吾起乎少曲少曲在懷慶府濟源縣

陽悞也一日而斷太行我起乎宜陽而觸平陽平陽故

三日而莫不盡繇我離兩周而觸鄭五日而國舉

紀讀史方輿 卷一 州域形勢一 二十六 敷文閣

魏山東之要天下之脊也

都邑考晉封畢萬於魏城即故前魏悼子徙霍故霍莊

子徙安邑夏都也至惠王徙大梁今開封因稱梁

戰國策蘇秦曰魏地南有鴻溝鴻溝即汴河也舊自

州入於淮今詳東有淮潁淮潁二水見前西有長城

河南大於川汴水又史記魏惠王十一年築長城以備秦及西

陝西榆林衛北有穉陽塞鄭綏今華州古洛郡城水

後王初河城西之陽武間矣北有河外河外司馬

南而對河也地方千里○蘇代約燕王秦正告魏曰我

舉安邑故魏塞女戟在太行山西韓氏太原卷劉太原

曰秦舉安邑而卷絕也蘇代之謂太齊王絕亦下軹道蘇秦謂

趙道南陽封冀南南五陽十亦見風上陵封關是冀也見前冀國

兼包兩周乘夏水溢夏則水浮輕舟強弩在前銛戟在

後決滎口滎西二滎十澤里石口河是也陰魏無大梁決

白馬之口津白馬口也舊今直大隸河津縣西白馬魏無黃濟陽

黃今開封府蘭杞陽縣東北五六十里濟外陽城是濟決宿胥

之口宿胥名舊府時淇縣西南入有大河宿胥口也魏無虛頓邱

南即故五朝歌也頓邱在河北今大名府清河入豐縣西陸攻則

### 擊河內三府懷慶曰衛輝內彰德水攻則滅大梁

趙河北之強國也

紀讀史方輿 卷一 州域形勢一 二十七 敷文閣

都邑攷造父始封趙城趙今平陽府趙夙邑耿國故耿成

子居原也趙衰為原大夫是簡子居晉陽都也晉獻侯治

中牟有中河牟城後陰復居晉五里肅侯徙都邯鄲今直

陽徙都邯鄲縣胡三省曰周成侯二十二年魏克邯鄲自晉

安有四年魏歸邯鄲而成侯敬侯若敬侯已都邯鄲襲

邯鄲不以勝而死蓋是時趙方

戰國策蘇秦曰當今之時山東之建國莫如趙強趙

地方三千里西有常山常山即恒南有河漳禹貢漳

見前方東有清河清河縣在直隸廣平府北有燕國為大

王計莫如一韓魏齊楚燕趙六國從親以擯畔秦令

天下之將相會於洹水之上洹水一名安慮山出直

隸於內黃縣約曰秦攻楚齊魏各出銳師以佐之韓絕

食道守宜道也記作糧道今索隱曰擁兵於嶢關之外又

宜陽見前關趙涉河漳燕守常山之北秦攻韓魏則

楚絕其後齊出銳師以佐之趙涉河漳燕守雲中大今

同府西北四百餘秦攻齊則楚絕其後韓守成臯河在

南見前魏塞午道鄭元曰一縱一橫為午謂交道也

趙涉河漳博關博關今山東博平縣西北燕出銳師

以佐之秦攻燕則趙守常山楚軍武關武關在陝西

齊涉勃海向滄瀛即所涉處也瀛今河間府韓魏皆

紀讀史方輿卷一州域形勢一二十八 敷文閣

出銳師以佐之秦攻趙則韓軍宜陽楚軍武關魏軍

河外見前北齊涉清河燕出銳師以佐之六國從親

以擯秦秦必不敢出函谷關以害山東矣函谷關在

前見○蘇厲為齊遺趙王書燕盡齊之北地去沙邱

鉅鹿有沙邱臺鉅鹿故城即今平鄉縣斂三百里

斂滅韓之上黨去邯鄲百里燕秦謀王之河山間三

百里而通矣秦之上郡今延安近扞關至於榆中者

扞關呂氏曰在晉陽之西扞者扞蔽之道非關名也

即今榆林鎮東北故千五百里秦以三郡郡當攻王

之上黨王為氏趙曰之上險塞故云趙羊腸之西潞安府南

百餘里有羊腸版今詳 勾注之南代勾注西山在太原府

見山西重險天井關 非王有已踰勾注斬常山而守之三百里而

通於燕代馬胡犬不東下在代胡山之北也 俱 昆山之玉不

出已崑山在塞外或以為崑崙

燕附齊趙以為重者也見都前邑

戰國策蘇秦曰燕東有朝鮮遼東朝鮮今遼東營塞州外

北有林胡樓煩近林胡樓煩見前胡貉葉氏曰燕最西

有雲中九原今雲中見前燕守雲中九原也 南有呼沱易

水呼沱易水見 地方二千里南有碣石鴈門之饒石碣

山在今太原府代州北三十里今口詳直隸名山注鮑

紀讀要史方輿 卷一 州域形勢一 二十九 敷文閣

氏曰兼言之者與燕接壤也北有棗栗之利此天府

也秦之攻燕也踰雲中九原過代上谷代郡上谷郡

郡 彌地踵道數千里雖得燕城秦計固不能守也秦

之不能害燕亦明矣其後張儀脅燕則曰王不事秦

則易水長城非王今趙之攻燕也發號出令不至十

有也蓋立說不同 曰而數十萬之衆軍於東垣矣東垣即今 渡呼沱涉

易水不至四五曰而距國都矣故曰秦之攻燕也戰

於千里之外趙之攻燕也戰於百里之內

齊東海之表也見都前邑

戰國策蘇秦曰齊南有泰山泰山見禹 東有琅邪琅邪

山在青州府諸城縣東南西有清河北有勃海所謂

四塞之國也地方二千餘里夫韓魏之所以畏秦以

與秦接界也秦攻齊則不然倍韓魏之地過衛陽晉

之道陽晉在今山東曹縣北戰徑亢父之險亢父城在今山

東濟寧州南五十里車不得方軌馬不得並行百人守險千人

不能過也秦雖欲深入則狼顧恐韓魏之議其後也

○國子曰安邑者魏之柱國也晉陽者趙之柱國也

鄢郢者楚之柱國也三國與秦壤界秦伐魏取安邑

伐趙取晉陽伐楚取鄢郢矣覆三國之軍兼二周之

地舉韓氏取其地且天下之半又刳趙魏疏中國疏離

也散封衛之東野猶東兼魏之河內地河以北絕趙之東

陽春秋時晉以太行山東為東陽杜預曰魏郡則趙

魏亦危矣趙魏危非齊之利也韓魏楚趙恐秦兼天

下而臣其君故專心一志以逆秦逆拒三國與秦壤

界而患急齊不與秦壤界而患緩是以天下之勢不

得不事齊秦得齊則權重於中國趙魏楚得齊則足

以敵秦故秦楚趙魏得齊者重失齊者輕齊有此勢

不能以重於天下者何也其用者過也

史記田肯曰齊東有琅邪即墨之饒即墨今山東平

城墨南有泰山之固西有濁河之限即大河也北有勃海之

利持戟百萬縣隔千里之外齊得十二焉此東齊也

楚南服之勁也見都邑

戰國策蘇秦曰楚天下之強國也西有黔中巫郡通

夔州巫山縣中見前東有夏州海陽夏州車允曰有

重洲名夏州海口今武昌府城西之漢口也詳見湖廣

蓋楚境之南有洞庭蒼梧洞庭湖在岳州府城西南一

注云卽九疑山也在今湖廣九寧遠北有陘塞郇陽陘

一作郇陽洵水之即陘山也蓋陝西洵陽縣境見韓南有地

方五千里此霸王之資也秦之所害於天下莫如楚

王不從親以孤秦秦必起兩軍一軍出武關見前一軍

紀讀史方輿 卷一 州域形勢一 三十一 敷文閣

下黔中則鄢郢動矣○張儀說楚曰秦下甲據宜陽

韓之上地不通下河東今平陽蒲取成皇韓必入臣

於秦韓入臣魏則從風而動秦攻楚之西韓魏攻其

北社稷豈得無危哉是故願王熟計之也秦西有巴

蜀方船積粟起於汶山汶山在四川茂州循

江而下至郢三千餘里舫船載卒一舫載五千人與

三月之糧下水而浮一日行三百餘里里數雖多不

費汗馬之勞不至十日而距扞關扞關在湖廣長陽

唐卽四川夔州府東八里之瞿扞關驚則從竟陵以東

廣竟陵故縣在西南盡城守矣黔中巫郡非王之有秦

舉甲出武關南面而攻則北地絕謂楚之境秦兵之攻

楚也危難在三月之內而楚恃諸侯之救在半歲之

外此其勢不相及也○蘇代約燕王秦正告楚曰蜀

地之甲輕舟出於汶汶山即上乘夏水而下江五曰而

至郢漢中之甲見漢中輕舟出於巴巴在孔氏曰巴嶺山

百餘乘夏水下漢四曰而至五渚五渚劉氏曰宛

以爲西漢水道出今寡人積甲宛治今南陽府東下隨

見即隨州智者不及謀勇者不及怒寡人如射隼矣

淮南子楚地南卷沅湘沅水出貴州鎮遠府境至湖

沙出廣西興安縣海陽山至湖廣長北繞潁泗潁見

紀讀要史方輿卷一州域形勢一三十二敷文閣

見職方荆州泗西包包蜀東襄郟淮見鄭國淮潁汝

以爲沔汝水出河南魯山縣大孟山至江江漢以爲

池江漢見職垣之以鄧林鄧林氏曰鄧州綿之以

方城方城北在河南裕山高尋雲谿肆無景

秦用范雎遠交近攻之策先滅韓次滅趙次滅魏

戰國策范雎曰韓魏中國之處而天下之樞也又曰

秦韓之地形相錯如繡秦之有韓如木之有蠹人之

病心腹天下有變爲秦患者莫大於韓王不如收韓

○頓弱曰韓天下之嚙喉魏天下之胸腹

杜牧曰秦萃銳三晉經六世乃得韓遂折天下脊復

得趙因拾取諸國

次滅楚次滅燕并滅代

趙滅後羣臣奉公子嘉為代今羣臣奉公子嘉為

乃滅

齊

史記六國表東方物所始生西方物之成熟天作事者必於東南收功實者常於西北故禹興於西羌湯起於亳周之王也以豐鎬伐殷秦之帝用雍州興漢之興自蜀漢

林氏曰六國之所以滅者以不知天下之勢也六國之勢莫利於從而卒敗於衡者禍在於自戰其所可親而忘其所可讐也齊楚自恃其強有并包燕趙韓

紀讀史方輿

卷一 州域形勢一

三十三

敷文閣

魏之志而緩秦之禍燕趙韓魏自懲其弱有疑惡齊楚之心而脅秦之威是以蘇秦之說阻而張儀之志申也秦知天下之勢取韓魏以執天下之樞故能并天下是故後之有為者必先審知難易之勢唐憲宗欲平藩鎮李絳以為先淮蔡而後恒冀周世宗欲平天下王朴以為先江南而後河東良有以也於是罷侯置守分天下為三十六郡

內史

秦今都陝西西安府鳳翔內也

三川

今河南之河南府開封府懷慶府衛輝府河南通州洛陽周故都也

河東

今山西平陽府治安邑故魏都也

上黨今漢潞治安府子及遼關澤今沁潞等安州府魏收長曰治上縣黨是郡長秦子治今壺

潞安屬縣

太原治今晉太原府趙故都也郡

代郡蔚今州大之境皆北是及

鴈門應今州太原府源州朔州以皆北是大同地府之

雲中餘今里陝西廢勝州一鎮東是北其四地百

九原廢今豐榆州一西帶北是七其百地餘里

上郡及今榆延林安鎮府

北地其今地慶郡治府義平渠涼慶府陽及之寧夏州鎮也是

隴西狄今道臨今洮臨府洮鞏府昌附郭縣治

讀史要方輿

卷一 州域形勢一

三十四

敷文閣

潁川至今汝開州封之府境之郡禹治州陽陳翟州故及韓汝都寧府以

南陽治今宛南即陽今府南及陽湖府廣治之南襄陽縣府郡

碭郡山今縣河至南鳳歸陽府之及亳山東濟是寧其東境平郡二治州碭又即碭南山碭

縣

邯鄲德今府直隸郡治廣邯平府故及趙都南也之彰

上谷又今延保定慶府安河二間州府至及宣順府天鎮府境之內南境是西境

鉅鹿鉅今鹿順今德順府德及府真平定鄉縣郡也治

漁陽至今薊順州天一府帶東

右北平至今廢永平府寧府至之薊西南又境北

遼西又今東永至平遼府東以之北廣至寧廢等大衛寧境衛

遼東  
遼今遼東境定

東郡  
長今直隸以大名府及其山東治昌陽故衛南都府之

齊郡  
南今青之州境府登州臨淄萊州齊都也濟

薛郡  
南今兗州州一府東至其境江

琅邪  
州今萊州府南東境沂州一青帶府是南其境莒

泗水  
邳今州江皆南是徐州鳳陽郡沛泗今徐州沛淮縣安也府

漢中  
及今湖廣西鄭陽中府府

巴郡  
及今瀘州川境保寧府順慶巴府夔州故州巴國重慶府

蜀郡  
保今寧成都府龍安西府潼川州故雅州國也及

九江  
州今江西南境鳳陽州安揚是州廬州郡安治慶壽等春府因楚滁都也二

讀史方輿  
卷一  
州域形勢一  
三十五  
敷文閣

鄣郡  
江今之江寧州太嚴平州寧國境徽州皆池其地諸郡府治及鄣今德湖州又府浙

長興  
鄣縣西南

會稽  
郡今皆蘇州常治州吳鎮今江蘇州府諸附府及吳浙縣江是境也內州

南郡  
陽今湖廣南荆境州又安施州漢陽武昌黃地郡德治安郢諸故府楚及都襄

也

長沙  
之今長沙岳州衡州永長寶慶府諸附府郭又長郴沙州縣至廣東

黔中  
諸今辰州府是常德地杜佑至岳今州黔府中之寧澧夷州亦永是順其保地靖

宋白  
曰隋唐之黔州歸化漢其地黔中立奉州自後周保州定四

因之  
亦曰黔安郡唐中亦黔郡說者遂州以唐黔州及

夷費  
思播皆為古黔中地不黔郡唐黔州與古黔州中及

隔越  
嶮嶺以山費川思播四州然俱自見分唐黔道州治郡今

又平百越置四郡

閩中

官今福州府郡附郭縣

南海

北今廣東廣西平樂肇慶東南境及韶州潮州惠東南境及高州府

地郡

治番禺縣今

桂林

內今廣西境

象郡

梧州廣東之雷州廉州高安南州郡及廣西

合四十郡郡一守焉其地西臨洮而北沙漠東縈南帶

皆臨大海

史記秦地東至海暨朝鮮西至臨洮東北嚮

戶謂南裔之地今漢榆林塞外北

呂氏曰春秋之時郡屬於縣

周書四郡雜篇于周制天

紀讀史方輿

卷一 州域形勢一

三十六

敷文閣

子地方千里分爲百縣趙簡子誓衆所謂上大夫受

縣下大夫受郡是也戰國之時縣屬於郡秦紀惠文

十一年魏納上郡十五縣是也方孝公商鞅時并小

鄉爲大縣縣一令尙未有郡牧守稱秦紀孝公十

廢鄉邑爲郡縣之始此及魏納上郡之後十餘年秦

紀始書置漢中郡或者山東諸侯先變古制而秦效

之歟按戰國策楚王以新城爲主郡新城在今河南

之所治必居形勝控扼之地郡者縣之主故謂之主

郡又三川河東在諸郡之首者蓋所以陪輔關中地

勢莫重焉卽漢所謂三河也漢分三川爲河南河內

與河東號為三河史記貨殖傳曰昔唐人都河東唐言

以該虞夏也殷人都河內謂朝歌也周人都河南夫三河在天

下之中若鼎足王者所更居也○孫氏曰郡縣之制

盡剗根著之舊以為空虛之天下匹夫亡秦五胡覆

晉盜賊篡唐此非有秦人取天下之威而失之反掌

始皇既没山東之眾起而亡秦

史畧初陳勝起兵於蕲今鳳陽府宿州南四畧地至

陳見前為楚王於是沛公起兵於沛見前泗水郡治項羽起

兵於吳見前會稽郡治而田儋景駒等亦各據地稱王田儋畧定

齊地為齊王秦嘉起兵於郟奉景駒為楚王既而項

紀讀要史方輿卷一州域形勢一 三十七 敷文閣

羽破章邯軍於鉅鹿見上鉅鹿郡秦軍皆降沛公引兵目

南陽見前入武關見前繞嶢關在陝西藍田縣踰箕

山在藍田縣東破秦軍於藍田即今縣至霸上今西安

二十里子嬰降遂入咸陽見前既而項羽亦引兵至河

南入函谷關見前屠咸陽而東

項羽還自咸陽分王諸將楚為四

史畧羽自立為西楚霸王王梁楚地都彭城彭城今江

州吳芮為衡山王都郟郟今黃岡縣英布為九江王

都六六國見前共敖為臨江王都江陵今荆州府

趙分為二

史畧張耳爲常山王王趙地都襄國今順德府治趙

王歇徙王代爲代王今大治同是府

齊分爲三

史畧田都爲齊王都臨淄故也齊田安爲濟北王都博

陽博今山東長清縣西南廢盧縣是博蓋在博關之

今山東博平縣徙齊王田市爲膠東王都即墨在故山城

東平度州

燕分爲二

史畧臧荼爲燕王都薊故也燕徙燕王韓廣爲遼東王

都無終見前無

紀讀史方輿卷一 州域形勢一 三十八 敷文閣

魏分爲二

史畧徙魏豹爲西魏王王河東都平陽前見司馬卬爲

殷王王河內都朝歌前見

韓分爲二

史畧韓王成爲韓王都陽翟因故也申陽爲河南王都

雒陽前見

秦分爲三并漢中爲四

史畧章邯爲雍王王咸陽以西都廢邱卽犬邱司馬

欣爲塞王王咸陽以東至河都櫟陽見前董翳爲翟

王王上郡都高奴今廢延安府西北百

沛公爲漢王王巴蜀漢中都南鄭今漢中府附郭縣  
司馬遷曰秦失其政陳涉首難豪傑蠡起羽起隴畝  
之中三年遂將五諸侯滅秦五諸侯燕趙韓魏齊分裂天下  
而封王侯政由羽出號爲霸王位雖不終近古以來  
未嘗有也